

—→ AGLAIT ←—

✧ ILLUNAINORTUT. ✧

Nr.26

Nain, Februar 1906.

Nr.26

Niptaitok, niptalertok.

Kattangutivut Waldmann Killinermêlauptok unipkârpok imâk: Merzeme 7 me Killinermut aularpogut sekkinermu-arluta Terrekomet, Ramamiunik pârsinasualuta aglatartunik. Perksigalloartillugo nunaptingne aularpogut, kaujigalloarluta, pâne Tunnusuksoarme piluammaringmat. Tunnusuarsungme itiplermelo kanoelungilagut sulle. Sittojarêrlutale Tunnusuksoarmut sappimmarilerpogut. Kingmivut nippaluatsiarput ijivullo pertomut sikkôlerput, tingûjáluillo takojungnarnagit kamutaijariamik illimasudlarapta, utterpogut itiplermut.

Kissiane kaulermat ama keteralermê ôktulerpogut ama. Tattamnarpok silla, tunuvut niptaidlarpok, sivunivulle niptamarilerpok, aglat pivalliavok. Tukisivunga kenunikka tussartaungmatta takuksaujomik aglât. Kakkiyame igloviliarpogut siniktarlutalo. Unnuarme anoridlarivok. Uvlâkut kôllarnarsimmarilerpok, sivumuvarungnarmangâpta. Aulartikka illimasummarilerpuk kajusigamale parngnailerpogut. Pijarêrkasaleraptale sivulerivunga tukisimmariklunga, sivunivut asit niptaidlarmat pertomullo sappernakasangmat aulariak. Tuksiarpunga

illungertummariklunga:

Atterne, Gûd, ingergavogut,
 Plagitsainalauktigut!
 Engelikut saputitigut,
 Nangianartokalerpat!
 Kanoenata perkovluta
 Tillijauvigijaptingnut!

Sunaubvâlo, nájerkârnanga sulle niptalerpok sillakimma-riolerlune. Amma tattaminiatuinarpogut Nálekab pitsiar-ninganik. Taimak tukisivogut, illûnâne illagigaptigo.

A n g a j o k a u k a t i g ê t.

p'gannertok.

Kaujivose, sorusearsuk tagvainartomik anguti-mariolilungimat ingminik pattangaititok. Sukaitomigle sorusek perorpalliavok, inugoi jaujariakarpok illiniartitau-jariakarpok pijaksaminik, inôsuktôlerkârane angutemari-olerkâranelo. Taimâk illagéttauk sukaitomik kissiane pivalliasongovut torârviksamut ipsomunga okautigijau-jomut. Missione karviptingne illûnaine illagét Westindia-miut kissimik tikikassalerput torârviksamut ipsomunga.

Tamanauvok illagét Labradoremiuttauk torârviksangat. Tikitauniarmangât — imaitok: Illagét Labradoremiut sapperungnailârmangâtta kanga, ingmingnik pairivlutik aulatsivlutiglo, pijariakartamingnik tamainik nangminek akkilévlutik, ajokertuijunik akkunermingnit sakkertitsi-lutik pattangaititsivlutiglo, ikajortaujariakarungnairlutik okpertunut akkianétunut — torârviksak tamanna

tikitauniarmangát illagênut Labradoremiumut, nellovavut. Taimaigalloartillugole torârviksak taimna torârviginasuar- niarpavut katsungailuta illungertorlutalo.

Tamanna pivlugo járít sittamat sivorngane „katimaviksi- utit” „angajokaukatigêllo” illusiolilaukput.

Katimaviksiutit illingavut katimavingmut, katimaviub pattangaititauniksanganut sôrlo. Katimaviub ákiktaugi- anga, pakkojat attortut katimavingme taimaitullo akki- lertaujariakarniarput sukutsiane „katimaviksiutinut”, illagêt sungiutilertuksaungmatta nangminek kamavlutik pijariakartamingnik. Sivorngane illagêt Labradoremiumut perkutekalaungilat nangminerijamingnik, katimavik illi- niarviglo assingillo perkutaungmatta Missionemut. Mân- nale katimaviksiutit katersortausôngongmatta, illagêt perkutekalerput nangminerijamingnik tamakkoalo kama- gijaujariakarniarput aulataujariakarlutiglo illagênut. Angajokaukatigêllo illijaumavut, illagêt simerdlugit ka- markovlugit illagêt perkutigijanginik tamakkoninga.

Tamannauvok ajokertuijersuit pitjutigilauktangita illangat angajokaukatigêt illijaurkojaungmatta. Assianigle pitjute- kalaurivut.

Illagêt Kristusemiut sungiutijuksavut a u l a t s i v l u t i k nangmineimingnik. Tamanna pivlugo angajokaukatigêt illijaulaukput, i k a j o r k o v l u g i t ajokertuijunik, ajornangipallo, ajokertuijut pijaksarijangita illangit illi- jaurkovlugit sukutsiane angajokaukatigênut. Pairksika- taurkojauvut illagênik, kamakataurkojauvut, illagêt akkerngane illusekarkovlugo sôrlo Kristusemiunut idlu- armat, illusiksaungitut inertertaujutaurokovlugit allar-

taukovlugillo, kamakataurkojauvut sârtortaujomajunik
 pivalliatitaujomajunglo illagêt akkorngane, ullapirsai-
 jartorkojauvut kuvianaitokarpat assinginiglo. Taimak
 illusekarlutik angajokaukatigêt sungiutivallianiarput
 aulatsivlutik illagênik upvalo angajokaukatigêt illagêt
 akkornganit pingmatta, illagêt sungiutivallianiarput, au-
 latsivlutik ingmingnik.

Takkovose, ajokertuijersuit issumagilauktangit illûnatik
 torârmatta torârviksamut ipsomunga okautigijaujomut.
 Tamanna tukisijautsialaukroktauk inuit unurninginut,
 illanginulle tukisijaulungilak tamarnartomiglo nellautsi-
 ngituniglo issumakartokalaukrok angajokaukatigêt
 pivlugit.

(Pigannertokalârpok.)

A t t i t i l l a n g i t a t u k k i n g i t .

Abele nungusârtok, Abia Jehova atâtauvok, Adame
 innuk, Berta keblertok, Benigna pitsiartok, Benjamin
 ernek kuvianartok, David nagligijaujok, Daniel
 Gûde idluarsaijigivara, Debora igupsaujârtok, Efraim
 kinguvâksalik, Edua pimaklerte, Elisabet Gûdemut
 perkutautitaujok, Friedrich Friederika ullapirsaijok,
 Filippus horsinik kuviasutelik, Hulda terriak, Henoch
 inugoijaujok, Heinrich tokkaviub attaninga, Jonase
 taube, Joase Gûde ikajorpok, Klara issunitok, Lea
 tuktungajok, Leopold nangiatailijok, Maria Mirjam
 sôngojojok, Margareta sappangak, Markus ujaratsiak,
 Natan tunitjijok, Natanael Gûdib tunergutinga. A. M.

(Pigannertokalârpok.)